

կան թանգարանը⁷²: Այդ պաշտամունքը տարածված էր նաև Փյունիկիայում: Նեղոսի հովտում, օրինակ՝ հռչակավոր փարոսը, Փոքր Ասիայում և ավելի արևմուտք, նույնպես և Մեծ Կովկասի հյուսիսային վայրերում, ընդհանրապես ընդարձակ տարածության վրա: Ֆալլոսի հետ տրամաբանորեն զուգորդվում էր բեղմնավորելու գորությունն ու ամենուրեք նրա պաշտամունքի արարողությունների մեջ խիստ ակնբախ կերպով երևան էր գալիս մի ձգտում՝ այդ գորության ազդեցությունը մարդկանց մոտ ուժեղացնելու և նրա միջոցով նաև արթնացնելու և ուժեղացնելու կանանց մեջ որդեծնության ունակությունը: Այդ հին սովորություններից շատ բնորոշ օրինակներ պահպանվել էին Զանգեզուրում, որտեղ նրանք դեռ շատ ուժեղ էին մինչև սովետական կարգերի հաստատվելը: Այդ պաշտամունքի վերապրուկները դեռ նշմարվում են: Այստեղ, շրջանային կենտրոն Սիսիանից (Սիսավանից, նախկին Ղարաբախի սահմանից) մի շորս-հինգ կիլոմետր հեռավորության վրա դեպի Գորիս տանող խճուղու աջ կողմում մի քարոտ հրապարակի մեջտեղում դուրս է ցցված մի պորտանման քար: Հայերը այն կոչում են պորտաֆառ, իսկ թուրքերը՝ գօբալ դաշ: Այդ քարի մակերեսն, ինչպես և նրա շուրջը եղած հրապարակը ողորկված են բազմաթիվ հաճախորդների այցելությունից: Ժամանակին անշուշտ նա ավելի բարձր է եղել, իսկ այժմ միայն այդ ամբողջական ֆալլոսի խղճով մնացորդն է պահպանվել, որի վրա անցյալում շեր կանայք, պորտով պատկերով, շուտուժուռ են եկել, այն հաստատ հավատով, որ այդ քարի գորությամբ անպատճառ կհղիանան և զավակ կունենան: Անցյալում հաճախ կարելի էր տեսնել նաև դեպի Ղարաբաղի հրաբխային բարձրավանդակը բարձրացող բոշի ժամանակ թուրք կանանց այդ արարողությունը կատարելիս: Պորտի վրա պատվելուց հետո կանայք նրկաթե մեխեր էին ցցում քարին՝ իրենց ցավը նրան ամուր գամելով: Հենց այս երկարատև արարողություններից քարը մաշվել՝ ողորկվել է:

Այսպիսի ֆալլոսանման քարեր, որոնք կրում են, կարծես, մարդու ձեռքի արվեստի հետքեր, մի քանի հատ ցույց են տալիս նաև Ղարաբաղի հրաբխային բարձրավանդակի վրա Լեռնային Քրդստանի՝ Լաշինի սահմաններում: Սակայն շատ դեպքերում կասկածելի է՝ արդյոք դրանք սովորական շինգիլների չեն, որոնց վրա խազերն առաջ են եկել ոչ թե մարդու գործիքի աշխատանքից, այլ անցուղարձ անող հովիվների և անասունի շփվելուց:

Որոշակի կերպով մարդկային ձեռքի գործ են այն ֆալլոսանման հուշարձանները, որոնցից մի-մի օրինակ գտնվում են Տաթևի և Ուտունա, կամ Վաղուղու վանքերում: Նրանց ծագումը նույնպես կապվում է սեռանդամի պաշտամունքի հետ:

Դրանք շարժվող սյուներ են՝ կարծես ավելի կենդանի գաղափար տալու համար իրենց բուն նշանակության, նրանց վերագրվող մագիկ ֆունկցիայի մասին:

Տաթևի վանքի հարավային պատից մի փոքր հեռավորության վրա կանգնեցրած է հարևան վանահայրական շենքի տանիքից բարձր քարե մի սյուն, որն իր ութանկյան ընդհանուր կերպարանքով հանդերձ կրկնում է ֆալլոսի էական ձևը: Գլխին նստեցրած է մի անարվեստ խաչքար, ամբողջության հետ

⁷² Քարից շինված ֆալլոսի մի խոշոր օրինակ իր պատվանդանով նույնպես տեղափոխված է այնտեղ հարևան Աղղաշ գյուղի մերձակայքից, որտեղ նա հայտնաբերված էր պատահական պեղումների ժամանակ մեկ մետր խորության վրա: